

近代中國史料叢刊第十一輯

沈雲龍主編

從戎紀略

朱洪章著

文海出版社印行

先君自咸豐間從曾文正公於長沙遂相依東下故於湘軍諸將領皆有
往還而未換文軍門復以粉榆九授至厚江甯平後軍門授湖南永
州鎮旋調雲南鶴麗總兵先君嘗述其克城後毫不副功而震之泰
然雅量非一時將領所可儕茲迨光緒中金厲蘇州軍門以入觀取道
忠襄奏留西泛李以蘇防余遂得見其人雄偉俊爽走當車戰跡猶
酣暢淋漓甲午後歿於兵次頃於冷灝得所述從戎紀畧亟收之
忠國史傳中不能翔實至此因軍門所紀而知忠襄之身在行間
躬冒大石倚偪檣如手足豐功偉烈豈從容鼓笑而致哉壬戌冬十

神
武
紀
略

卷之二
癸卯年秋
丁巳月

余伯先太傅文正公雅號知人於諸將中獨
偉視煥文煥文忠勇性成戰績半天下甲子
金陵之役於鎗礮叢中搶挖地道誓死滅
賊滄城缺首先衝入因而削平大難焜耀
史編厥功伟矣武已丑冬煥文京旋余溯
念金陵為煥文主功之地遂奏省而江權

慕福山鎮庚寅夏因公來寧出視蹒戎紀
畧歷述其生平鄙若瞭然指掌其文之
授寧頗有其人也

庚寅八月翔威毅伯曾國荃後於兩江督署

往聞程忠烈之自拔來踈也 軍門實受之其後忠烈轉戰江浙衆拔名城手除大憝東南恢復之機實由於此 軍門之功斯為倡首而湘軍大事記乃屬之曾忠襄介弟紹聞忠襄摠制兩江時嘗與軍門言及工以爲傳聞異詞不妨因存其說

則忠襄之不冒攘功與 軍門之實有
其事也可見矣今觀 軍門所自箸後戎
紀畧鋪敘前後事迹一皆賓錄而堅忍
樸實勞苦功高已可槩見昔戚南塘之
論兵也一日練膳要之膳不可練也必有
忠勇之性堅忍之力而又濟之以臨事而

懼好謀而成然後可以言膽識矣善乎忠襄公之傳 軍門曰忠勇性成樸實艱苦觀忠襄之所以重 軍門則夫忠襄與 軍門所以克成大功共並為中興名將帥者固自有在而國家廟勝之榮尤必擇老成宿將以寄

其折衝禦侮之任若 軍門者謂非今時
所倚賴者哉

光緒壬辰秋仲叔基弟朱福說謹跋

從戎紀畧

黔南朱洪章煥文自敘

洪章之先本沛國人明之中葉始祖以平猺功封都信侯於五開衛即今黔之黎平府遂家焉九世祖後繼以讀書宗族間擢科甲膺仕版者代不乏人獨章生而猛悍好勇喜鬪年七歲父授以讀輒逃學逐羣兒嬉鬪父嘗笞之年十二力舉百觔心粗膽大遇事敢為父以為患延嚴師教督之章恒背師習弧矢劍槊擊刺之技師偵知語父曰是兒天姿英敏然好武不好文曷從其性父曰吾家世守書香甚不望其為武道光三十年湘匪李沅發竄黔胡文忠公林翼時守黎平會邑紳商防捕章堂兄與馬堂兄名達清為

公鄉榜同年歸稟章父曰天下事變生矣弟性喜武何不令其從戎父不許章私於兄曰請更與大人言之若武不足貴古人立功異域而侯封萬戶者人何豔稱之耶父聞默異之居頃章又促兄言兄曰叔怒難言父知喚章跪而問曰爾終欲何為章曰願從戎父叱起曰無志讀書任爾自為章稟於母絮行李先兄行兄至曰子何往曰同往投軍曰叔知之何如曰他日得建功未始不慰父母兄遂引章見胡公公視章年幼曰何不讀書兄備述其由公乃試以對曰忽然下雨章應曰頃刻開晴公甚喜謂兄曰是子初見余從容不迫膽氣過人將來必為國器乃以章接帶黎勇章遵公兵法日勤操練一日有商來報距城六十里界牌塘有匪擋搶文

忠以章年幼欲帶勇親往章請而行至三眼橋見擔負者四五百人傍惶不敢前時暮暫息次早以六十勇分三隊行近界牌塘忽聞喊聲四起各商販皆棄擔貨驚奔前後隊亦亂章若無知者前問賊何故搶物殺人賊輕章幼開鎗欲打章即將開鎗賊斫仆地復二賊一執鎗一持刀來章又揮刀將執刀鎗賊殺斃賊懼逃追至半坡又復殺二賊生擒一賊登坡而呼前後隊及各商始奔集詢貨物均無失商叩謝章慰之割四首級并一生賊來見文忠喜曰始吾以子幼不意如此之勇而能也飭將生者正法一併懸示將各商謝金四百兩並另發錢二百串賞章章分諸士卒此從戎殺賊之始章年十九歲也咸豐三年正月鎮遠府黃平州榔匪以

抗糧滋事蔣巡撫奏委文忠往辦公請章兄至語章殺賊事贊聲
不絕囑告章父母帶章同行堂兄允諾公以黎勇百人少令章添
募二百乃遣人回里挑選公令章并領之甫至鎮遠鎮標派兵二
百府派勇一百歸公調遣公令分兩路進偵者來報賊聞兵至愈
聚愈眾抵黃平州州牧出迎公問賊情對曰賊定期將來攻城民
心惶甚幸兵至得稍安公曰賊有無軍械曰雖有不多公曰俟其
攻城相機施之令各營防守不許登城探望城上亦勿插旗次日
天曉賊眾萬餘鼓噪來攻窺城中無動放鎗而回文忠登城望賊
見多赤手無械顧謂章曰賊去矣可出城乃匹馬領數人相形勢
而還次日賊復來抬梯欲扒城城上仍無動不敢進又放鎗回公

偵知賊紮牛眠山離城十里因兩次攻城無動靜稍識利害者漸解散不過四五千人公令寫免死投誠牌謂州牧曰若剿恐傷無辜不殺不足警亂教而不從是用殺遂下令曰明日五鼓造飯以鎮兵府勇守城先以牌送賊前我兵隨分三路進賊躍馬出隊劈牌亂罵公令放火箭賊被火亂走我軍乘勝追殺公即鳴金收隊已斬首四百餘生擒二百餘賊逃往牛場州牧來接公曰本不忍殺奈不聽何回城仍出免死示命州牧率紳耆往各鄉開導次日拔隊往牛場行四五日至一村鄉老五六人來見公問此地何屬曰屬甕安縣中有二老曰長官得非胡青天左右曰是齊叩頭曰有要話稟請公至但翰林家祠公叱退從人稟曰日前有數百人至

村要供應村人不知給與食有說我等因糧起叛大兵追來難逃
不如細送頭目得免死者有說胡大人送牌來甚人將牌打碎以
致觸怒互相怨悔昨逃躲上山此山有小洞無水不必往攻恐石
傷人三五日後賊自餓死公遂行至甕安縣令接公進城公飭兵
勿許滋擾次日命章往探形勢章至山腳見山聳而險約廣五六
里樹叢箐密時見賊眾往來作喊聲章回稟公令各兵勇備餵糧
往圍山腳是夜賊來偷營章戒兵不許出賊退回半山鎮標兵出
追被賊擲石傷斃數人敗回章聞喊聲隨即乘馬出擊密令兩哨
伏小埂側以二十人誘之賊蜂擁前來伏兵突擊首尾難顧慌
忙亂走我兵乘勢追殺將賊首劉瞎麼殺斃賊死無數餘竄回山

文忠隨稟摘鎮標營官頂銅飭我兵圍守如前越三日偵來報賊黨盡餓死進看果然遂稟巡撫撤隊回三月奉

上諭貴東道遺缺著胡林翼陞補黔勇朱洪章准以外委歸貴州撫標補用欽此時湖南賊氣甚熾湘撫駱文忠公秉章奏調胡公赴湘會剿奉

上諭湖廣賊氛遍野胡林翼著往湖南北相機會剿欽此公即諭章速募壯勇千人由鎮遠買舟東下抵京口適鄂藩唐方伯船至公往見同舟歎曰我軍來遲湖北失守唐方伯已兵敗至此日忽下游喊殺聲起公見岸上跨馬之人無鞍數十人追之急喚章曰得非唐公子速往救章急率本哨兵去公接派兩哨來章趕向前阿果

唐劉生公子炯也遂將賊殺退救之上船方知唐方伯殉難公歎曰何事敗至此公子痛哭公婉勸之即欲往剿唐公子諫曰不如先回嘉漁再圖進取公令開船會北風大作波浪洶湧我軍裝船忽兩隻失火公心焦灼甫抵嘉漁遇川勇搶當鋪公憤甚令章往剿殺斃二百餘生擒六十餘公令一併正法百姓稱快髮逆在武昌聞我兵往京口即揚帆上犯公商唐公子嘉漁城不可守擬由蒲圻通城平江晉省方抵蒲圻駱撫軍以武昌戒嚴檄速回省以固根本公令章斷後保護軍裝土匪千餘截通城路來犯公調章剿殺之偵又報梅仙橋聚土匪數萬公令預隊以備賊忽遍野來我軍奮擊戰酣會大雨賊敗走公從外夾攻遂殲賊四月公帶隊

晉省駱撫軍大為褒獎留宿撫署次日曾文正公國藩由衡州馳來會駱文忠及公商議軍機公回營章請所商公曰數日來岳州及三湘陷失撫軍與曾公議以塔軍門齊布往攻湘潭我軍往常德曾公親往岳州惟恐水師不足分布先派人往衡州造船語畢公即令明日往領軍裝子药後日拔隊水師先往龍陽俟我軍齊至會同進取忽偵來報賊聞我軍大至昨三鼓已燒營遁矣公令章探寢始移隊進城常德府武陵縣來見公諭以謹守遂往攻澧州離城二十里有紳民叩見曰近聞賊傳令官兵到即來偷營公問賊數幾何對曰連本地土匪約有十萬公曰回告百姓勿恐我自能破之乃令章帶三百人伏前村柳堤下多帶火藥俟賊來攻

由堤橫截圍住江邊并以前營三哨伏左後營三哨伏右左右兩營為接應纔二鼓賊分四路來我軍早窺見至四鼓逆首復率隊出離我營六七里候天明始圖進取我軍佯作不知忽城西礮發我伏軍四面出賊前後莫顧遂慌走章躍馬當先截殺出賊大潰敗而我前營先抄而兗州城矣文忠復督隊殺來賊退無路多投江死生獲偽丞相一偽檢點四公勘問無供飭令斬首澧州復公即具報湘撫及曾文正州牧由鄉來見公曰髮逆雖去土匪未盡除我兵拔後恐復蔓滋乃留章暫鎮之並催繳蔣方伯家許助軍餉錢二萬貫七月文忠往扼岳州章往銷差公問土匪可復蠢動章對以未公曰終難免耳公繁營鳳皇山乃前明吳三桂舊壘多

礮位公令撤而備用曾文正渡江來會塔忠武與胡文忠文正曰
近日賊由武昌意圖上犯莫如先派水師堵扼留三營以防下游
我軍過河去度地勢然後紮營尊意如何文忠曰然次日公等帶
營官至離城十五里之頭塘相地紮營城內匪見以大股來犯文
忠曰寡不敵眾快請回營忠武翻身躍馬衝鋒冒賊手擒逆首來
獻曾文正戒曰此後不可造次公等商營何紮文忠曰必先扼山
崗再倚河岸修礮臺五六座與營壘相連絡文正曰得之次日湘
軍移紮江干賊出城分三路來犯水師佯向他走賊以為得計猛
浪前撲我軍鎗礮齊施水師泊轉連環轟擊賊敗我軍亦不追文
正謂文忠曰明日乘勝拔營遲恐賊先踞傳令四更渡江忠武帶

寶勇紮頭塘文忠帶黔勇紮左路章告奮勇離忠武營里許紮先
鋒賊見我軍過河分四路來我軍先禁不許開鎗賊連撲數次始
令放鎗忠武衝出忽被賊圍章往救應鏖戰數時文忠督隊抄賊
後賊敗入城忠武追殺至城壕始回是役也殺幾賊三百餘生擒
百餘獲軍械甚多文忠與文正商曰此次賊雖小挫城中逆尚眾
未易攻也必誘出再痛殲之方易攻城忠武適至曰明日我營先
移逼城開挖地道用火藥轟克城不難文正曰賊眾奈何忠武曰
明日出戰佯敗抄後一軍進城何如文忠曰固善但非足下無以
勝任忠武曰城果克肝腦塗地何辭即令天明進攻黔勇頭隊湘
軍次之以章往桃戰羅李二軍應之忠武親帶長勝軍及寶勇辰

勇伏於城西破民房內天曉賊初見我軍隊伍吹海角排隊齊來
章往交鋒即退忽我信礮起忠武由破房突出直抄進城各軍轉
戈掩殺賊退往江邊水師悉以鎗礮轟章亦衝殺進城與忠武四
路合剿賊開東南二門紛逃被文忠抄過揮戈截攔盡溺於江水
師復沿江沉燒賊船無數遂復岳州次日進城文正令水師開往
襄河扼守湘軍往紮武昌文忠軍仍紮鳳凰山章在鳳凰山日帶
勇操練適因文忠太夫人壽章往拜祝與某營員因事口角章拳
毆之某員往憩文忠文忠咎章滋事飭章回貴州本標公軍令甚
嚴且怒未敢往憩次日又送到保札內開外委朱洪章克復崇陽
通城案內免補外委以把總補用並

賞戴藍翎章知公意難回故未稟辭直往湖北投曾文正公曰何不在胡

公處章以實稟並曰

國家有事之秋正士卒効命之日豈肯歸標苟安乎文正壯之次日文正帶見塔忠武曰我薦一驍將來章忙叩頭忠武扶起曰得非胡公帶來黔勇章對曰是述明來由塔公命暫往差官棚聽事并告各營曰往日我親見其殺賊甚奮勇有智畧慎勿輕之次日忠武往看地勢章同眾差官執公精忠報國旂隨行賊見來犯公令回營章呼楊德武曰我二人伏堤下俟賊過奪其馬德武曰恐公見責章曰無妨賊果乘馬來至堤馬忽不走賊鞭之章呼德武同聲殺出賊不知我兵多少遂慌走章追殺一賊眾賊未及回顧咸

棄馬逃章欲往追德武止之計獲馬十二匹殺賊一級追見公公笑曰汝二人何膽大也快回營各官來迎忠武曰看我今日三人

奪馬如何各官稱賀公曰非予能乃新到朱某功也章以所得請

羅忠節

歸營務處公命厚給馬值以獎章及德武次日忠武過湘營親與

李忠武公商攻城塔公曰近日風雨大作正好趁勢扒城無如離

城稍遠我意欲紮營逼城如何羅李稱善會胡文忠已將善後未

完事件交岳州府魁守接辦星夜拔營住船鸚鵡洲來文正忠武

處問近日賊情忠武告以移營近城之議文忠韙之次日忠武先

拔五營近紮北門隊尚未齊逆首窺見早出大股來擊忠武率章

等領隊出迎正戰間湘勇見我軍寡不敵眾來援賊遂敗退營壕

得漸築成曾文正來胡文忠營請忠武與羅李二公會商攻城忠
武曰前日我軍移營賊乘間來犯雖未大敗亦小挫也恐不日來
大戰必乘虛往攻之文忠曰賊意死守不出多延時日不如挑之
文正先回船令水師扼守下游文忠令黔勇出挑戰忠武帶兵伏
近城次日賊果分五路來我軍先佯敗逆首督眾追來忠武抄過
賊後令章督士卒同衝入城賊隊忽自亂文忠遙見回軍往擊賊
愈潰敗走江干水師以礮轟之多溺江死章與忠武衝入城分三
路忠武由中路直抵偽王府章由左路抄偽王府後童天雲由右
路抄殺城上賊忽遇大股賊圍住忠武章抄後合擊賊始退由水
西門出爭過浮橋被我水師已先斷橋章隨忠武追之賊爭橋溺

死甚眾復分湘軍為二一追剿城外一搜剿城中胡文忠所部黔勇先站各城樓水師回舟往攻漢陽未至而賊放火遠颺矣漢口亦然遂復武漢二城時咸豐四年七月也文正乃以兵往守各隘次日令湘軍往攻大冶忠武往攻興國我軍離興國四十里紮營偵報賊有埋伏忠武令章往探賊果分三路出隊章飛馬回稟公曰賊方銳勿輕出俟其疲再擊之須臾賊沓至欲圍我營忠武令備鎗以待賊亦不敢逼濠逆首砍督令前相持逾時忠武令章曰可領隊衝中路忠武隨後督殺我軍齊奮揮戈橫刺賊敗追六七里始收隊是役也殺賊無算生擒六十餘奪獲騾馬三十餘遂乘勝前進偵來報城中賊昨逃往大冶縣忠武恐賊詐令章帶辰軍

先入章在城搜獲偽檢點一名逆匪十餘名解送忠武營並請入城遂克興國旋移兵往攻大冶值湘軍與賊正戰忠武令章速接應章看賊依江甚眾令我軍掩旂直撲忠武從高崗揚旂湘軍見援至愈戰愈猛逆首亦督眾拚死鏖戰忽章抄後而來水師亦飛槳至三路夾擊賊遂大敗忠武抄從陸路來賊無可逃伏地乞降忠武令斬之大隊回營後羅李二公問忠武曰由江邊一枝掩旂抄賊後者係部下何人也忠武曰乃曾公新薦朱某日前在興國親見衝鋒入賊後誠有膽畧羅李曰千金易得一將難求竊為公賀正論間曾文正至曰我在對江見掩旂抄後者誰忠武曰公薦之朱某文正曰可見老眼無花喚章前囑曰此後勿如此膽大忠

武曰我前已戒之章曰謹聽命文正回舟須臾令下飭湘勇往攻西南城外賊壘章往扒東門礮樓忠武往攻東北近城一帶賊營若賊不出我軍且圍攻且移營若賊出戰飭章暗抄賊後再以得勝軍應之次日忠武所帶各勇尚未抵城邊湘軍已先開仗賊見湘軍勢甚猛調東門賊來應隊方出章兵突至賊措手不及章猛殺過去賊棄營走章分兵往踞其壘城內賊見來救被忠武截斷章復追賊至城邊賊沿城腳走章直搶入城忠武督眾隨來分三路追剿並放火燒之賊逃出北門忠武曰城既得快援湘軍章轉隊向南門見湘軍與賊正戰章抄截過去賊紛紛驚潰章與湘軍追至南門忠武又從南殺出逆首勢急遂自剄章前割其首見忠

武忠武令掩四門候天明乃出示諭民並將克復大治緣由稟報文正仍進兵攻半壁山湘軍頭隊忠武繼之章隊斷後逾三日湘軍前營先至被賊圍攻湘右營繼至賊以五路來圍愈戰愈猛忠武所部寶勇由山腳抄出亦被賊小挫章後隊到聞虜戰聲即率長勝軍奮勇而前賊大隊悉出遍野遮山我軍用鎗礮連環擊之忠武見章軍到奮督大隊與章內外衝殺遂轉敗為勝追賊十餘里始收軍是戰也生擒賊二百餘殺斃賊千餘奪軍械稱是會偵報賊由安慶揚帆而來數不可計忠武請羅忠節李忠武二公會商賊情方憂礮臺未修水師不足固守適曾文正與彭楊二公渡江而來始知礮臺近日修好乃飭各營星夜嚴防忽報賊攻湘營勢甚猖

獵羅李忙回營戒士卒不許妄動賊自辰至酉始退如是者六日忠武往商羅李曰賊攻有日矣若不出戰恐軍心懈明日賊再來貴營由左依江抄其後辰勇朱某由右抵中路迎敵予隨後接應若賊敗貴營先破半壁山朱某攻田家鎮以鳴鑼為號即收軍次日賊果大股來將及壕我軍突開鎗礮水師亦齊開船轟來賊以屢攻得意未及防受傷頗眾逆首猶督眾來撲忠武令開營門衝出各勇一鼓作氣賊驚慌棄械各走忠武督眾追殺羅李乃移攻半壁山賊首猶出抗敵被我軍連環鎗傷十餘騎餘賊欲返故壘我湘右營已捷足先踞矣賊歸無路多墮巖死十月朔遂復半壁山章追至田家鎮聽鳴鑼乃收軍曾文正來營商曰明日再攻田

家鎮以勁旅一枝抄過賊營候我軍將近浮橋乃由山腳往攻江邊賊壘另以一枝越山埋伏以截敗賊并帶火藥擲燒賊舟湘軍直攻依岸賊壘忠武軍衝過橋去與水師往攻對岸石城分派已定次日賊出隊來忠武令速開營門該賊望望而逃我軍追出將近浮橋賊轉迎敵忠武令章前往交鋒鎗礮連環賊眾漸退逆首用刀督砍復冒死前來忠武由傍截出賊乃敗至河干水師已斷浮橋賊眾爭渡落水死者甚眾我軍從後抄殺水師早乘漿而下縱火燒賊舟適東南風大作火光燭天江水皆赤伏尸數萬百餘里哭聲震地間有逃竄者被章督岸上兵殺之我前隊直追至龍坪忠武剿賊至二更方收隊是役也燒燬船六千餘號生擒髮逆

老賊一千餘名奪獲糧船五百餘隻死於水者數萬賊我軍亦傷亡不少水師尤多文正曰我自行軍以來攻克不下數十城從未有鐵賊如此次之多喪師如此次之慘言畢放聲大哭各官揮淚勸止乃傳令將生擒者瀝奠陣亡將士傷恤醫賞有差二十一日復田家鎮忠武往商羅李二公曰昨竄龍坪之賊莫如速攻為上羅李同應曰士卒新亡過多息養數日再進忠武曰用兵貴神速遲則蔓延乃回稟文正飭水師先攻龍坪即諭商各營官曰賊竄龍坪趁營壘未修攻其不備何如章稱善乃以辰勇走頭隊寶勇二得勝軍三忠武自斷後行三日抵龍坪賊即來犯我軍備而出隊祇以紮營為事忠武命營外多栽梅花椿防賊來偷營計賊

果來偷五六夜因有備不敢進而退文正慮我兵單星夜令水師
三營在後接應忠武曰賊屢偷營不得利明日必來圍攻乃令章
帶兵星夜伏山後次日賊果出隊直撲我營壕忠武令齊開鎗礮
彈落如雨賊站躲不住欲退遂首砍督終不敢前忠武料其必敗
乃開營出擊章由高山催隊而下水師船適至用礮轟之賊稍郤
忠武即鳴金收隊曰賊眾我寡恐深入反為所困俟明日湘軍到
再籌之須臾文正過江至營曰今日我軍之勝殆有天焉該賊十
餘萬我不滿三千何以禦之賴得山上一枝斷其歸路故賊見即
走忠武乃以拔營意稟文正公曰兵貴神速所見是也但賊過眾
我軍須小心穩守以待湘軍忠武乃稟請先將水師兩營紮對江

口以防偷渡上阻湘軍來路文正然之次日湘軍分兩路來羅李輕騎先至方慶繁營地勢賊已由山後抄過湘軍偵來報忠武乃令留五百兵守營章帶辰勇前往迎敵寶勇接應忠武自帶標兵督後章抄出湘軍營後正遇賊來章命隊齊排開以兩哨往擊餘藏柳林中我軍先佯敗賊蜂擁來追柳林內兵四出賊遂大敗直追至山腳湘軍營壘復以紮成忠武令收軍是戰也生擒賊三十餘殺斃百餘獲馬匹軍械百餘忠武往看湘營告以夜宜謹守羅李二公答曰我軍遠到恐夜睡有失須派兩營為代守前壘忠武曰無需我且以幾哨人往攻賊必不得來但明日我軍由半山繞過田隴右遇賊出隊我軍詐敗上山另派一枝伏柳樹內俟賊追

遇方出截殺貴軍派兩營攔頭橫擊我與辰勇徑攻賊營賊尙回顧貴軍從後力追以免牽制我軍議定忠武回告各營并命多帶火蛋以防賊上山包抄二更時聞賊營喊殺聲須臾我偷營哨兵回亦無損傷次日漫山遍野俱是賊旂忠武告之羅李軍不許出隊自卯至午賊不敢前亦不退忠武曰今日必大敗遂發號礮令各軍依隊出賊分十餘隊來敵我軍用劈山礮連環轟擊忠武單騎衝出各營四路圍至將賊困於垓心揮戈亂刺間有逃奔者水師早斷浮橋又被擊殺羅李統湘軍往攻山腳一帶賊見中路已敗不戰而潰被湘軍掩殺賊逃往江邊忠武令用火蛋焚燒水師又於下游延燒賊舟遂殲龍坪賊次日乘勝發蘄州方至紫營賊

眾來擾旋退忠武曰明日我軍齊攻城賊必不出莫如分兵往陸路攻圍令水師乘虛扒城必易得手乃函知水師並授各營官計次日賊果出隊列於沙洲離城二里許不向前進章令各哨以一營抄賊歸路以一營抄入城我軍纔由堤出賊忽見而驚被忠武及湘軍掩殺來賊方抵禦章已衝進城將城門緊閉直攻偽王府矣水師亦站得東南二門放火延燒煙塵滿天賊盡向江邊逃走我軍跟後刺殺溺死者無數僅四五千逃往黃州十四日蘄州復次日攻黃州各軍前後到齊賊不敢出戰忠武飭章督隊逼城開挖地道令放火轟之賊初猶拚命來抵被我軍四面包殺連環鎗砲交轟賊敗潰逃遂復黃州旋移往巴河賊先出營度地勢方與

羅李交戰適我軍與文正偕至遂一戰而克已河文正喜曰不意今日成功之易蘄水黃梅賊不難破也我軍方抵蘄水賊列

圍

上窺探章乃督築營壘半日而成是夜賊未來攻忠武與

二

公相議曰半山賊壘甚堅恐難攻破須令一枝抄後擲火延燒再以兩哨誘之所慮者賊死守不出次日賊忽出隊抄過湘軍後營忠武喜謂章曰賊死有日矣可速立功章即督隊以連環鎗砲步步進攻並飭辰勇寶勇四面助戰賊敗走河邊復被湘軍抄殺多投江死半山一股則忠武親往剿殺殆盡是役也生擒六百餘死者數千奪軍械無算蘄水縣復十一月我師次第拔黃梅縣賊聞前途敗死守不出多將軍馬隊星馳來與忠武商破城策忠武曰

是城四面皆水進攻不易不如移紮近城以便開挖地道黑夜扒
城多將軍曰計固好必遲十日恐援賊至須飭沿河嚴防免賊偷
渡忠武曰賊援兵來陸路必由安慶桐城太湖宿松水路必由長
江聞城內糧猶多不難出計以破之恐生他變前得曾函湘軍候
晴拔隊近城多將軍曰拔營何必待晴祇營修好即可拔忠武乃
告章曰明日湘勇拔營恐賊夾攻我與多將軍議派馬隊伏柳林
中湘軍三營伏兩堤南我帶得勝軍前往營營爾帶辰勇齊勇忠
勇衝城次日賊忽大股出城勢甚猖獗我軍依次接戰忠武迎頭
擊出章飭各軍往截其尾賊首尾不顧前後俱敗安慶援賊到被
多將軍馬隊與湘軍沿堤攔殺賊進退無路拋戈祈降我軍亂砍

之章衝進城正遇逆首督賊來援忽見我軍回馬即走章追刺於
馬下餘賊敗竄水師見我軍勝開船前來遇逃賊盡殲之初四日
克黃梅縣擒偽丞相偽檢點八名送文正營斬之次日分湘軍往
攻孔隴忠武往攻小池口水師往擊潯江我軍之攻小池口也忠
武授計伏蘆洲俟賊出抄奪其壘遂克之湘軍頭隊攻孔隴小敗
幸羅李二公督大隊至多將軍馬隊亦到十四日復孔隴潯江賊
聞孔隴小池口同日俱失預以賊來截我渡河之軍我方半渡忽
殺聲四起伏賊萬餘兇猛殺來忠武督章向前曰今日須決死戰
萬不可退并催後隊迅速過渡章幸得一小硬乃以劈山砲環轟
使賊不得過鏖戰多時忠武後隊齊至湘軍轉由半山抄來章始

揮兵前進追殺賊敗至東門內賊於城上將火球滾木打下我軍
頗有傷損遂退奈江西遍地皆賊十二月曾文正以攻圍九江陸
軍單薄乃奏調胡文忠由田家鎮就近來潯助剿胡文忠至商攻
湖口縣梅家洲以新募湘左營人多怯戰要章幫帶教戰文正亦
堅命章不得已而往甫至湖口縣營壘尚未修好賊由梅家洲分
五路來我軍用連環鎗礮步步抵擊賊雖不進亦不卻退章乃令
各哨官躍馬衝鋒賊漸退走更用連環鎗砲追進賊敗回梅家洲
石壘固守不出章帶親兵越壕忽被鎗傷章帶傷強扒並火蛋燒
之文忠適見令勇強負章回遂收隊次日偵來報賊一由孤塘偷
渡來抄我營一由湖口縣出梅家洲文忠與羅李二公相議曰賊

來兩路莫如攻退前路後路自易攻正議間賊佯作我軍揚旛而進被湘右營鎗砲交轟紛紛敗走追至河邊始回五年正月按奉曾文正來函稱湖北失守髮逆連陷府州縣城調文忠往援湖北公曰幸今日勝不然明日撤隊賊必來追須令帶傷各弁勇先走章時鎗瘡未愈就醫文忠大營堂兄達明亦在公幕乃以章乘一涼轎昇歸息養忠武營忠武見瘡歎曰不令爾去章曰小有傷何足懼也忽報文忠與羅李二公偕至忠武迎坐歎曰此城日久不開困老我師近江西失守多城湖北城多陷失如何如何攻梅家洲湖口縣者方望成功今日調動何日能復言畢淚下文忠慰曰不必焦灼天下事總有一定文忠辭行忠武灑淚遠送依戀難

別日憂城之未下形貌顛頹寐中皆呓語攻城章與各營官進曰
此城堅而賊守不出大人稍寬心賊出願拚命往奪也忠武曰爾
初愈尚宜養息數日我欲俟黑夜狂風大作往扒城速為我造扒城
具不日造成忠武問誰奮勇當先寶勇願為頭隊餘依次派畢次
日忠武黎明起傳令各隊俱出聽候調遣忽有寶勇哨官某者驚
喊而來公云不好當即仆地章在旁扶起已心血上湧餘氣奄奄
各營官齊忙連呼不應嗚呼薨矣時七月庚辰日也乃具稟曾文
正文正趕來撫棺慟哭軍民無不悲哀忠武忠勇性成有謀有膽
每單騎蹈險率有天幸賊以為神善撫士卒遇章尤厚故章痛彌
甚文正乃以副將周鳳山暫領軍事各將弁俱退有後言文正調

慰之八月初三日往攻臨江府樟樹鎮我軍未到髮逆先退章同
畢剛毅公金科輕騎過浮橋探得臨江城內空無一賊請移隊進
城統領責章等年輕冒昧不知賊情詭譎越日始拔營上新淦縣
逆首見我軍不踞城而往攻新淦乃在樟樹上流造浮橋斷我軍
歸路偵者來報統領乃知墮賊計傳各營官商策畢剛毅曰事已
至此惟公自主而已統領泣曰我忙無主見全仗各位主持章乃
進言曰我軍若前向吉安四面皆水賊若重兵扼渡口則進退兩
難樟樹賊雖造浮橋諒難即成莫如以兩營前走軍糧居中重兵
斷後往攻樟樹眾以為然十二月行至樟樹天方晚忽聽柳林內
賊聲喊殺章與剛毅諫宜固守統領不聽出遇賊而逃我軍敗潰

章與剛毅拚殺血路而出退至豐城剛毅見章哭曰今日幸子斷後不然我等性命無存矣統領不敢往見曾文正文正飭摘翎頂以觀後效統領哭曰悔不用朱畢二人言也章與剛毅稟見文正公公再三獎勞令各募軍一千名長勝營以剛毅為統章副之飭往撫州防堵行至進賢縣復奉札以饒州失守令改道進剛毅以饒州四面皆水乃具稟請添派水師我軍行紮風雨山水師續至乃會同由黃龍廟上岸至建佛寺相度紮營地勢見城西北依河東臨湖南聚一大市祇東門外一平岡可紮營壘章請先紮黃龍廟再緩移紮山岡剛毅謂然城賊見來抄擊我軍乃退由隈回當晚再商我軍移營必有惡戰莫如夜派勁旅先上岸紮砲臺幾座

以預備紮營天明我礮臺已修好營壘亦成章謂剛毅曰城中賊無多剛毅曰何以見之章曰我新移營不敢犯且昨日我等去度地勢不出隊往黃龍廟截擊反以隊來抄東湖是以知之次日遂與剛毅督隊攻城克之賊由東門遁章追殺至四十里街剛毅亦隨後追至計殺斃賊三百餘生擒五十餘騎馬軍械無數收隊回城百姓焚香載道乃將克復饒州情形具稟曾文正隨蒙保奏奉

上諭畢金科以遊擊補用藍翎儘先把總朱洪章以千總補用

賞加守備銜欽此六年三月江西贛南道覺羅耆齡來為饒防統領剛毅曰我輩以死復之他來享成心頗不服前次敗賊往糾張天渡都昌賊來報復賊出隊而不犯我營章知賊輕者齡意在得城因

戒各哨曰今日之戰不可亂離即敗拚殺一路出須臾賊至剛毅
往擊持片時賊即走剛毅躍馬直追章知賊必有計往諫剛毅賊
忽蜂擁而來剛毅顧謂章曰城中何故火起莫非城破乎忙撥馬
轉賊早四面抄圍剛毅拚殺衝出至河邊浮橋已斷蓋者齡敗逃
時所折也章後至乃督我軍奪路走舊房賊直追近舊房章忙令
各勇撤櫃臺堵街賊乃不窮追問剛毅何往軍士有知者言以浮
橋斷故駕舟追者齡向瑞豐矣舊房民逃後餘有糧乃令士卒炊
餐食頃章謂各哨曰明日往復我營先以賊旂入俟我軍齊進再
樹旂懾賊以我新敗無防必擾各鄉時纔五鼓章由黃龍廟邊過
芝山從大路徑抵賊營喊賊開門賊問何來章詭言從四十里街

我軍已距滿營牆大呼殺賊賊方知欲逃營門已閉無脫矣遂遣人至瑞豐請剛毅次日乘舟至怒未息曰被眾人勸恨不撲殺此老章詳問知因者歟不戰即逃且折浮橋幾覆我軍故憤極毆之也又曰幸子聳回營我心稍喜復問賊情章備告之會四十里街逆首率隊來瞰我營即退章告剛毅曰明日賊必出隊來犯可將我前奪之賊旂徧插營外章抄過芝山後截擊留三賊兵守營賊敗請督隊來追殺剛毅初不謂然章與賭曰若賊不出願具軍令狀剛毅許諾當夜章即領隊越芝山後至松林密處預伏天方明遠見賊分三枝來離我營里許始齊隊留一股堵東門去路以二股前進忽見滿營盡賊旂猶豫不前騎馬賊十餘繞前來看章乃

分兵為五以三枝衝賊以二枝接應章先匹馬喊殺而進賊知中
計不戰而退均向田隴走我兵四出賊旋走湖邊多溺於水章直
追殺至四十里街剛毅直追至故賢關是役也殺斃賊千餘生擒
六百餘奪獲騾馬器械過是亦不敢稟文正公賊退往繁陶家渡
張田渡章與剛毅議乃移繁童子渡忽奉文正專札訊問我軍失
城一案內聞據江西贛南道者齡稟稱帶勇不力棄城逃走各情
令明白稟覆章謂剛毅必先將移繁童子渡情形稟明然後再稟
查覆緣由不數日奉批獎勵復來稱賊在張田渡陶家渡擄人并
由安慶都昌糾合賊眾三萬餘不日來報復剛毅以兵單為慮章
曰可以計破剛毅曰高見若何章曰童子渡有河可守若賊直往

府城截我歸路斷我糧道則我首尾難顧若賊抄我軍前來攻可出伏兵以少勝多也所慮陶家渡水淺恐賊乘夜來攻此地宜防以辦事結寃人有事速報以備緩急張田渡小河通都昌出翻陽湖若得水師往紮賊過河可以擊之近聞水師以康國器來紮都昌未識確否剛毅曰最喫緊在我軍薪糧聞者齡已升任藩臺必不能容我會偵至言賊一由餓虎山過陶家渡一由張田渡抵童子渡章商剛毅須函知水師約期會戰并以隊之六預伏張田渡近村次日偵又報賊往各處搶船定明日齊隊來張田渡搭浮橋章曰事不宜遲速往迎剿剛毅曰陶家渡無兵堵奈何章曰張田渡離陶家渡僅百餘里張田渡賊過河後祇要水師斷其浮橋縱

火焚燒賊見截其歸路縱來必敗乃飭諭童子渡紳民往各湖汊
催草船星夜忙搭浮橋以渡我軍章走頭隊剛毅在後離張田渡
六里許有一大村落名高家村樹林陰蔚兩堤環抱中即大路我
軍即伏於此次日黎明賊由汊河來搭浮橋至晚始退當夜我即
以兵一枝伏以待賊次日賊隊過浮橋將半我伏兵突出賊不知
從何而至慌忙逃走被我軍從後抄殺我水師貽誤預斷浮橋賊
得便宜逃去剛毅至曰水師誤事不淺遂收隊章晚謂剛毅可趕
赴陶家渡探賊營壘比至偵者從張家村出言賊尚未至聞說明
日始來我軍暫住張家村次日果見賊由餓虎山來另一枝由曹
家河過柳家灣紫謝家村約賊二萬章曰賊分紮多處礙於下手

莫如誘賊過我伏軍地然後出隊包抄剛毅避之因先以前營兩哨去賊正造飯忽聽喊聲知是官軍各村吹海角遂紛紛出隊我軍開數鎗即走賊追過我伏兵處我兵四面抄出連環鎗礮交下賊紛紛敗退我軍追至江邊賊轉由鐵虎山去章隨後掩殺將近曹家河忽喊聲大作而剛毅已圍在垓心章躍馬往救被賊矛傷右腿仍奮力前進拚命衝入賊隊逆首抵死來迎奮力斬之賊始漸退遂收隊然與剛毅均身帶重傷矣章腿流血過多忽麻無力不能行走親兵往鄉借竹椅舁回剛毅見章傷哭曰為我使君如此章曰不日可痊何必傷心剛毅與章商移築四十里街時我軍薪糧不繼剛毅曰春上派人去領至今無消息不解次日請領人

回稟曰耆齡已任撫臺飭善後局獨不發給我軍薪糧剛毅怒甚
章勸曰不必性急明日進城商之署饒州府馮詢鄱陽縣夏燮皆
受耆齡囑據稱奉上憲委署并未委辦薪糧剛毅負氣回營謂章
曰無糧之勇何以能帶莫如具稟曾公將我軍裁撤章曰容再籌
之次日章親往拜府縣見面俱稱曰聞閣下匹馬衝圍身帶重傷
百姓咸贊頌未識痊否章曰感蒙齒及今幸愈矣日昨統領來商
薪糧未蒙允許統領歸欲稟請裁撤今弟特來再商饒防乃江西
門戶倘我軍撤後髮逆乘虛而入將如之何馮守曰所見甚是祇
畢統領目前不合往打中丞中丞總芥前仇曾囑暗地覓空等語
章曰大人有大量何因小嫌而壞大局況我軍薪糧逾年未領屢

次剿賊乏賞何以堪此馮守曰此事寔難為力只好緩商鄱陽令至仍是前語章曰薪可從緩糧從何辦令曰近日已收獲三千石請先發千石以濟燃眉乃歸告剛毅剛毅曰我軍住此終非長策莫如稟請調開方免無事章曰恐稟而不撤反於軍心有變剛毅曰然則如何而好章曰俟再往商章復進城見馮守婉言望其設法馮守曰未用兵先籌餉我豈不知無如者中丞不比他人我輩官卑職小動輒為難譬曾欽使籌捐他暗使機關曾公尚不能辦况我等是屬員章回告剛毅次日剛毅又親往不多時同營忿然曰今日往商要我將景德鎮收復方有餉不然縱殺他也無處請領章勸曰不必計較恐中彼激計剛毅曰我定要收復景德鎮看

他不發何如少頃兩營官至剛毅曰定期明年正月初二日開差
留兩營兵交朱煥文守老營章忙諫曰何必性急即要出隊俟上
元節過我等願往統領以守老營為重剛毅曰我固知老營要緊
故特留子也章曰度歲在邇各勇亦厯年辛苦何妨少緩兩營官
不敢進一言往邀幕友亦不肯諫一言章再四婉諫無如生死有
數總是不回乃於咸豐七年正月初二日統隊而出章請同行不
允乃以章親信兵十人從之營哨各官來辭行章諳囑曰新正出
隊總宜相機倘賊過多宜勸統領緩進星夜來函調余不然孤軍
深入恐被賊困各官曰緊記章送剛毅十餘里始回營次日往告
府縣剛毅已出隊鄱陽令曰中者中丞激計章聞之不勝忿恨即

辭回營星馳專函與剛毅俟章到再為進兵初五夜忽偵至云我軍於初三晚間到西瓜洲天尚未明我軍過河賊猶不知殺至街心祇見滿街旂幟四處喊殺各街口俱被桌椅攔滿小兵敗走畢統領橫衝直出至蘇湖會館隨帶親兵十餘人不知下落章甫聽完魂魄驚悸哭曰應侯其死乎乃即帶隊馳往沿路遇敗軍回詢之均稱不見饒守命鄱陽縣隨後追章章已抵黃江市離景德鎮六十里見我敗軍涕泣而來問以統領均稱小兵隨統領衝進正街被賊四面包抄只聽逆首傳令要擒活的慌忙亂逃而出正間鄱陽令至曰太尊恐閣下性急故特令我來要閣下駐紮黃江章曰統領不知下落駐紮何益令曰何妨往探乃派本地親信人

去探三四日來不得其寃後雇一黃江人帶數十金去景德鎮請人訪查逾數日回云初四日天初明畢統領帶隊過河衝進街放火因該鎮房屋盡是燒甃砌成一時火燒不着被查街賊見亂喊逆首出隊見我兵不多乃吩咐用棟櫃攔住街口畢統領衝至王家洲蘇湖會館賊圍之數重統領翻身下樓賊蜂擁來尋乃下樓手殺十餘賊即遇害章聞之放聲大哭令勸曰事至此總要將屍抬回再問屍在何處對曰身在王家洲頭在西永洲須我軍退後使賊不防扮作賊去乃能盜回查雲南標兵尚有十餘人章再派親兵二十人到彼相機行事當將隊撤回饒州逾兩月應侯屍始尋至具棺盛殮章祭奠之乃派標兵送柩回雲南藉文正來文以

章作統領駐防饒州該處紳民樂捐以助章軍餉駐守安徽之皖撫余亭張公芾以饒防為安徽門戶并知我軍受者齡害專弁解來銀五萬米五千石子藥五萬觔以資我軍餉章深感激之從此軍威復振賊來犯餘干樂平章揮兵往擊俱獲勝饒州府城外四十里久為偽輔王所踞築四十餘壘并設偽科取士耆齡派候補遊擊林保帶廣勇千人來攻屢次失利府縣稟請章辦章曰廣勇不識地利見賊即敗明日我軍攻賊他營勿同往急夫軍威府縣曰他營乃中丞派來不往不可助後隊如何章辭回營吩咐明日天明在芝山腳齊隊次早乃以中左兩營由右路直抵四十里街包過賊壘前後兩營抄過賊營右煥字營與前左三營直抵賊壘

煥字右中後三營接應之章督隊在後命各軍次第掩旆而進將近四十里街聽賊壘鳴海角章知其必出隊來戰乃令各隊依山排開該賊正開偽科人眾紛至沓來廣勇從後至誤為賊敗爭衝向前被遂首隊出揮戈擊殺大敗而回章見廣勇敗因令我軍不許爭先抵敵以劈山礮抬鎗小鎗連環轟去賊乘勝追下遇鎗礮即止章乃躍馬前驅長勝營在左煥字營在右賊漸敗退章督隊追至營門復有大股賊抵死來敵被伏兵四面抄來鎗礮交下賊大敗棄營而逃章揮兵追殺至陶家橋始回即奪得賊四十餘壘是役也賊死無數生擒者千餘獲米三千餘石旂幟千餘騾馬二百餘匹錢萬八千餘串銀稱是我軍亦有傷亡次日差人請府縣

將所獲銀錢米械點交每勇准散給千文轉請馮守報捷隨移軍
往景德鎮防堵次日忽奉撫軍來文內開朱洪章帶勇不力以致
林寶受傷革去守備銜千總降補犯總章念克復四十餘壘反遭
此冤真令人不平幸饒州紳民皆知可以不辨次年二月著撫軍
派江軍水師統領劉養素來稽章軍寔乃由景德鎮調下饒州十
三幫紳民皆願以全家保章後劉統領亦悉其情乃再三設法為
章解免景德鎮以章調後江軍接防失守紳民多怨耆齡饒州府
問章曰江軍人數倍於閩下緣何失利章曰天時不如地利地利
不如人和章所帶勇皆已親友遇事有靠故能以少勝多饒守曰
善然則景德鎮如何能克復章曰祇有兵有餉何堅不可以克饒

守曰江軍新敗莫如請閣下移紮何如章曰祇要江軍統領聽商正議間江軍統領至府署章忙避馮守接進劉養素曰有無客在馮守曰祇長勝營統領劉養素曰正要往拜既在何妨請見章出劉養素曰我要到貴營商量日前江軍失利尚未歸齊惟閣下所部兵住此倘調往景德鎮此地未免空虛不如請閣下紮出府城以安人心俟江軍調齊再進剿不遲章曰遵命馮守曰長勝營自煥文統領來并未領得薪糧子藥均由十三幫紳民捐辦歷年轉戰十餘處克復各城隘全無保獎該營兵弁全無怨言劉養素曰無糧之兵尚能持久真真難得無如耆中丞總有芥蒂馮守曰天下事那解不開祇求大人秘保中丞自然明白又言及景德鎮近

日賊情可探得寶章曰偵者云逆首傳令由景德鎮河岸添修礮臺幾座西瓜洲添修壘十餘座語畢章辭回營適接奉曾文正來札內開曾九帥統吉字各營由江西省不日起程往攻景德鎮該員在彼多年地利熟習俟吉字各營到齊隨同進剿章持札往告劉養素并示知各營哨官無不歡喜該處紳民聞之喜曰此後得保無虞矣吉字各營五月初旬到雞腳嶺致函約會進兵章送函與府縣閱過次日即送來銀三千兩暫充軍餉章飭糧台照分隨帶隊起程江軍水師營護解軍裝由水路紫黃江章往雞腳嶺稟見九帥并請攻景德鎮示九帥問進兵路徑章悉指畫以對次日我軍一由黎陽鎮對岸過河往攻西瓜洲一由黎陽鎮沿河前進

行方近忽聽雞腳嶺鎗砲聲領者回稱昨四更景德鎮逆首出隊攻雞腳嶺我軍勢甚危急章乃催軍往援賊見即分隊來禦章即令用連環鎗步步前進賊多畏縮而退章揮兵跟殺曾九帥見賊圍漸解乃令各營出壕兩軍包抄該賊無路可逃盡敗向河邊水師趕至又以鎗礮轟之賊遂四竄景德鎮逆首見勢敗放火先遁九帥督吉字各營追之惟西瓜洲賊壘未破章揮隊往攻忽鎗礮齊發章中多傷仆地掙扎立起強登礮臺將放鎗賊斬斃我軍一呼同登賊棄壘而逃我軍追至浮梁縣賊忽出大股來應吉字各營先後交鋒賊太潰敗爭渡浮橋忽橋斷溺死不可勝計殺斃者四萬餘生擒者二千餘獲偽天安三偽天燕九偽丞相檢點指揮

共九十餘騾馬軍械無算九年六月壬子景德鎮浮梁縣復九帥
乃報捷於江西巡撫與文正公處章乘機稟文正公請調他處奉
批查湖北安慶軍務繁要由該員擇選所部精壯勇丁千名星夜
帶往湖口縣俟本部堂到點驗其未成軍以前薪糧由江西找補
成軍後薪糧由本部堂後路糧台取支章悉告之各營曰與各位
患難數年辛苦共嘗本應全帶往奈來文祇准選千人我心寔有
未安其中老練者曰祇請大人先行我等隨即來投少年者大聲
慟哭章婉慰之因告帳房將前張撫軍解送之銀尚餘四萬每營
各發三千各營辭曰此銀係張巡撫送大人我等薪糧乃者齡勒
和何與此項章曰各位隨我多年保獎全無所得之數盡是各位

血汗日前所以留備者竊恐者齡加害今幸脫羅網此銀何用不必多辭各營愈感激即擇於六月十八日起程各帮紳民送章以萬民衣金及匾額章固辭不得已受之行抵湖口縣即往稟見曾文正暨彭宮保二公聞之歎曰未識者齡何意害他雖無糧餉而百姓愛戴如此不負其防饒多年之辛苦也次日文正委彭宮保來點章軍賞錢千串章往謝文正命換頂翎飭往巴河繁營聽候調遣曾文正乘礮船往黃州府與胡文忠商進兵章同往見文忠問饒防情形章備稟之文忠曰看齡存心太險令爾受苦章曰沐恩前後辛苦四年克復各城隘不但無功反降補把總不圖今日復得見大人丈忠歎息章辭回營文正令暫禁幾日與吉字前營

先紮宿松俟九帥至再移營往攻太湖十月九帥由江西水路至巴河依岸紮營遂日操練新立馬隊往會胡文忠文忠言馬隊不可不設無如南人不善騎必須募河南固始一帶人方善九帥回營乃一面遣人往選馬隊一面擇期往攻太湖令章走前隊吉字前營走二隊強字走三隊九帥督吉字和字各營在後至太湖我軍紮營定次日賊分五路來犯曾九帥揚言曰今日各努力痛殺賊乃令章軍由蘆洲抄賊後吉字強字擊中和字信字分左右二枝接應九帥親領兵督後章方掩旂由蘆洲斷賊歸路忽見吉字營與賊正戰鎗砲連聲章遙由隄上展旂助陣賊眾望見分隊來抵章軍截殺過去賊前後莫顧紛紛敗走吉字各營趕來賊向田

龍亂跑我軍沿路追殺遇一騎馬賊迎面章刺於馬下餘多棄械
祈降是役也奪獲軍械騾馬六百餘殺斃二千餘生擒六百餘擒
獲偽逆首十餘我軍亦多傷亡九帥回營曰今日賊大敗恐棄城
逃令早備餉糧倘賊果逃星夜追殺勿誤時纔五鼓偵來報太湖
城內起火恐賊逃走九帥令出隊追殺直追至小池驛霆字營忽見
處賊猶敢圍霆字營忽見我追兵至方走多將軍馬隊適由青草
隔追來霆字營向前圍擊賊無路可逃跪地哀降各軍揮戈刺殺
當將小池驛圍改九帥吉字各營已克復太湖縣城計殺斃賊四
千餘生擒二千餘獲軍械無算即飛報曾文正胡文忠處隨摺具
奏奉

硃批降補把總朱洪章開復原官免補守備以都司留湖南補用

賞換花翎免繳捐復銀兩欽此復接札令添募長勝右營與前帶千名
分為中左右三營擇期開往安慶先是賊結營在石排見我軍過
乘大雨夜遁我軍直追至集賢關賊至城死守不出曾九帥隨拔
大隊至令章紮守關外營壘吉字方幫營賊日來攻隨派章營往扼
其要賊始不敢近曾滿大人由湖南募恒字營新到在章營後連
紮二營營官往告奮勇攻賊被賊鎗礮傷斃百餘名營不敢拖屍
曾滿大人始來請章章辭以趁夜再去滿大人固請始令士卒蛇
行而前拖屍以回九帥聞鎗聲來視見即憤責其滿大人亦嚴飭
營官而感激章九帥來營商曰鹽河近日水涸我意欲移營往扼

其要免賊匪乘空衝出煩貴營一行章曰謹遵示忽接奉文正秘
函內云三河失利全軍覆沒九帥示章不許聲張命章先將營修
固然後移紮章往修十餘日營成請九帥閱贊其堅固乃擇期移
紮逐日猶開挖長濠時鹽河水涸沙洲露出章請添防數營九帥
隨派副後五營至忽有居民紛紛逃進集賢關問其緣由據稱髮
逆馬隊已到關外章馳稟九帥囑章以固守為要章辭回營一路
百姓扶老攜幼哭啼奔逃叩章馬首來求收留章始令其住長濠
邊并由糧台給散口糧賊來擊我者五六日章遵九帥諭堅守不
戰第七次賊以兩枝犯九帥營以三枝攻章營我軍不出任賊揚
旂放鎗去章往九帥營獻計曰賊屢攻得意明日必來章意以兩

營伏離營五里之范家莊俟賊來摸營以礮為信大人派隊殺出
章由范家莊抄來賊可擒也九帥曰賊不來如何章曰即不來我
軍順便往探集賢關賊營若何九帥曰善次日賊果來我軍依次
殺出遂大敗賊直追至集賢關九帥曰今日之勝萬想不到章曰
還恐髮逆乘空逃走莫如派隊往堵九帥意未決次日集賢關民
來稟昨四更起火今早視賊不知去向九帥歎曰悔不用朱煥文
吉也欲派馬隊追已無及矣章視鹽河水益退五六尺乃往商劉
南雲方伯連捷前後挖長濠兩道多栽梅花橋中間修礮台幾座
九帥傳章言五里堆離蓮湖里許大路被我軍挖斷恐賊搭浮橋
偷過命章往繫另以人來修壕章悉示以形勢乃移營往繫壕既

成九帥同營務處來閱贊三營相犄角礮臺位置得宜且堅而固雖百萬賊無以破之真朱煥文之能也命多備薪糧是夜三鼓接多將軍來函云鳳陽泗州逆首統眾來援安慶須我軍預防章親往請示九帥曰此番賊非比尋常須加意小心問營中薪糧何如章曰前委員往湖北買得二千餘石可敷三四月用惟此次各勇挖壕衣多被泥水汙濫請支發三月之餉九帥允發次日偵來稟鳳陽泗州滁州逆首糾眾來援安慶若攻不破長壕擬由蓮湖搭浮橋接四眼狗家眷出定期明日到集賢關九帥告各營以謹守為要飭章守五里堆尤宜嚴密章辭回營即令將鎗礮分布次日黎明賊果漫山而至一枝離九帥長壕五里一枝往圍攻副後營

餘賊向章營前站滿章派往誘數次賊不敢進傍晚退回次日復來呐喊即去第三日分五路來直衝過我營就蓮湖一帶連營十餘里將我軍團團圍住日夜環攻不分時刻章故作不知至第三日章謂各哨曰賊圍我三日矣若不出擊恐九帥心焦明日早飯賊必換隊乘其不意一鼓而出并多帶火蛋往燒賊蓬各哨應諾次日午初賊正換班我軍直衝過壘擲火延燒逆首見之亂喊九帥出隊來應我軍已奪賊壘矣章追賊至湖邊始回另派營填紮以和守信守營守之當晚九帥恐變逆乘夜逃走添派四營來防次日復派各營齊挖長壕將蓮湖千餘畝賊圍斷在內并商請楊宮保派水師來繁蓮湖以副後營往紮守長壕章稟九帥預備出

隊恐關外賊遁以便追擊九帥曰昨函商楊宮保令移紮蓮湖我軍不得不助力忽偵來報賊昨三更時已放火遁九帥即派隊出追殺章收隊時聽蓮湖邊有鎗礮聲問其故乃知逆首帶四五百人出來窺探章曰賊從不來今來必有意令小心防守次日該賊忽在營外喊自願投降章往稟九帥九帥曰賊情狡譎勿可輕許如果投誠看有無器械章曰要賊繳出軍械何如九帥曰速往相機行之章回諭賊次日繳來龍旗三千餘桿洋鎗六千餘長矛八千餘抬鎗千餘明火鎗八百餘騾馬二千餘章專弁往請九帥來營面商言曰悍賊甚多如何籌之章曰惟有殺最妙九帥曰殺亦要設法章曰營門緩開將逆匪十人一次喚進只半日可以殺完

九帥曰我心不忍交子辦之章當時回營預備自辰至酉萬餘賊盡行殲戮乃往銷差九帥曰此次殺賊過多該匪營壘須移營往繁并令加修壕溝寬深六丈多栽梅花椿城賊搬木料經過蓮湖被我軍奪之賊復拚命來爭禁營我水師擊敗之十一年六月菱湖兩岸賊營俱被我軍破盡九帥接准多將軍來函云蘇常援賊勾捻匪約期星夜來援安慶前隊已抵太平府捻匪已抵麻城九帥傳各營相商謂章曰貴營以孤軍紮蓮湖可須添兵章對曰蓮湖深壕而高壘只要各營穩守長壕勿湏添也九帥乃命營務處前往丈量長壕每營該防若干各嚴界守不日偵稱賊眾到關外聲稱即來攻我營章乃命將營前壕溝挖斷搭吊橋以為往來關

內附近難民哭救營前章目不忍視始留在營前後分住次日陳
李二逆首統眾來分紮山崗離我營五里旌旗遍野烟塵騰空亦
不敢進攻次日賊出隊來看我長壕有騎馬數賊直衝至壕邊被
我軍鎗斃三名餘退去第四日該匪出大隊來圍攻我蓮湖三營
并結壘於壕外割青秧以填我壕溝日夜攻撲鎗礮無歇聲九帥
與楊宮保乘間至章營問賊眾兵單如何是好章曰無妨求大人
速發洋莊礮三十位來九帥當飭夤夜送到章乃令各勇安置齊
備九帥楊宮保視畢乃回營賊來圍攻者二十日壕溝已被青草
填滿六月二十八九日添調集賢關外悍賊并各偽王拚命來攻
城中賊亦出隊向蓮湖搭浮橋被我水師營擊敗惟陳李二逆以

有眷屬在城捨命環攻時近二更忽陰風慘雨殺氣騰空章先傳
羅營官以四十名鎗手出賊齊呐喊而進章令各勇推開礮眼鎗
礮火筒齊交亂下只聽該賊喊救哭聲震天地章知賊傷必多忙
令出隊開營奮勇揮殺賊愈奔潰忽見五里堆集賢關外火光騰
空烟塵滿市該處賊已遁去章督隊往追只陳逆猶督眾來戰九
帥已飛令箭來調不許往追章曰將在外君命有所不受直督軍
殺至關外九帥又差官來云不許出關追剿違令者斬章怒曰敗
賊不殺留待何時仍督勇往追痛剿賊屍徧野趕殺至二十餘里
方收隊回城賊知外援敗走亦放火由地道遁我軍進城已空無
賊矣八月初一日復安慶城九帥差人來請章章佯病不往九帥

親來慰曰非不許追責因三河李忠武之敗至今元氣未復今幸我軍既克安慶實是萬千之幸倘窮追有他故不但前功盡棄子如有失將壞我萬里長城矣章曰賊困我一月幾瀕於死今賊被敗反不許追未識何心正論間楊宮保來問章恙愈否章曰非他病殺賊不暢耳兩宮保笑曰閣下既有志殺賊日長何必負氣章即留兩宮保用午膳方回家隨摺保奏旋奉

硃批內開補用都司朱洪章克復安慶尤為出力免補遊擊以參將仍留湖南補用賞加勳勇巴圖魯名號欽此九月拔往無為州我軍未至賊聞風先走遂進兵裕溪口銅城閘我軍到即克同治元年二月二十日克復巢縣隨圍攻含山縣賊放火而遁二十二日克復和州

二十四日克復東西涼山是日我軍所到賊盡竄逃九帥曰東西涼山乃長江鎖鑰不意成功之易望章贊聲不絕曰明日可拔營往烈山駐紮章曰俟水師到我軍方得渡次日水師至我軍渡紮烈山偵來稱賊由東西涼山一股退紮太平府金柱關一股退紮烏江渡蕪湖亦有逆賊盤踞九帥接文正公函云先攻蕪湖後攻金柱關節章先攻三汊河再往攻上中下三關逼攻江東橋遂壘飭水師圍攻九洑洲次第進剿不可猛浪九帥以函諭各營章即移隊往視三汊河四面皆水東有大堤沿堤設卡直抵上中下三關方令紮營亦不見賊動靜傍晚有逆首來對岸喊我軍近河說話章恐有詐令遠與之言該逆眾五營情願去破上中下三關來

降以乞活命章往請九帥示囑小心辦理章回營先諭賊退紮讓出石壘派我軍往扼各要并親過河慰勞賊首次日九帥來營章令賊首出迎并稟明情形九帥大悅謂章調度有方即叩往攻三關策章曰降賊願破恐不得實章意令我軍執降賊旂先以賊首往關叫門然後一擁而進不識可否九帥曰須足下親往方能成此大功章曰遵命遂諭各營官并示知各降賊先令降賊作一假函詐稱官兵到易木橋速派兵來接應次日至上關天猶未明關中逆首果不知遂一呼而進揮戈刺殺將壘遂齊殲中下二關章已授沈羅二營官計同時克復時五月初三日也九帥聞之輕騎而來見章曰閣下未及旬即克復各關隘誠善用兵也章請派營

分守始將三關賊屍盡掩擲大江中并將礮臺營門轉向對城安置忽見人在蘆葦前面忙走問降賊此處有無民房答曰此間房屋折去修篤王府已荒蕪矣問何有人行曰想是日前江東橋派往城內去今見是官軍旣故逃走章知江東橋乃九洑洲鎖鑰不日賊必來爭乃日督勇添修礮臺以嚴防備忽偵稱賊來章忙登高遠視見隊出水旱西二門蜂擁蟻聚約三十萬乃專人往稟九帥并飭我軍穩守該賊直衝至江東橋揚旗呐喊章謂營官曰今日該賊定不收隊營官曰何以得知章曰江東橋要隘缺我九洑洲必不能保所以必來爭正論間九帥與彭楊二公同來問章曰充復江東橋出何妙計章曰祇將計就計耳齊稱曰善九帥曰賊

眾我寡如何章曰祇宜穩守須求專人送洋莊礮三十尊復登礮臺同觀賊催隊來誘敵我軍不出賊遂回九帥曰今夜添修礮臺可能成功章曰極力督修何不可成九帥與彭楊二公回營章督各營安置礮位并將子藥裝好以引線牽至營邊上覆以竹筒是夜軍中不宿分班視哨忽聞呼救聲派兵往視回稱百姓要見大人有秘話稟章傳進問以何故對曰民等土居水西門外被擄多年昨大人克復石壘城中賊不知今早有賊報知偽忠王大驚所以出大隊來總要奪回方許收兵大人且提防并要防他以小船偷渡往燒礮船民萬不敢虛語章命兵將百姓送出并告知彭楊宮保將船泊灣江中時已三更章出瞧望遠見小船數隻偷渡過

去欲燒我水師礮船比至我水師已泊江心賊空而回天尚未明各哨來稟賊至營外用船搭浮橋約四五千人請示開鎗礮章曰俟天明再計較少頃天微明忽陰風颶颶殺氣騰空賊大沓至章帶炮手親越牆恐夜間安之薦線露墻另以薦換之易好即回賊眾齊渡船來猛撲我營壕章令發號開鎗礮拋擲火蛋火桶萬礮齊聲火珠亂滾賊前隊盡數掃平只聽人聲涕哭喊救不絕各營告奮勇即欲殺出章仍令開鎗轟擊須臾天大明水師開礮亦來助戰章始出隊追剿各營作氣揮戈刺殺直追賊至城邊始回是役也殺斃賊六千餘礮斃者無數尤帥在三汊河聞之來見面曰今日之戰非閣下不能制勝彭楊宮保亦歡呼入贊曰真名將也

平日所言不足信今日親見之乃真名下無虛章稟九帥曰此戰已寒賊膽請另派營守此章別圖進剿九帥乃以吉字後營守上中下三關飭章軍休息數日仍紮雨花臺值端陽節先發士卒薪糧乃於初八日移營賊即出大股來攻其勢猖獗章稟九帥曰今日之戰非比尋常請飭各營緊穩破敵之事章身獨當即麾兵前進令各勇抬劈山礮多寶以子用大旗翼蔽俟近賊隊轟然開擊賊見我軍隊少四面掩殺過來章令將劈山礮排開三層賊突被礮傷倉卒而敗章隨繼以連環鎗礮轟擊賊傷斃甚多不敢回頭我軍追後剿殺直抵至雨花臺賊壘復有大股賊猛來接應章仍用劈山礮轟之九帥在制字營見恐章深入乃鳴金收隊前隊直

追至聚寶門始回是役也生擒三百餘鎗礮轟斃者無數即將生擒賊首解赴九帥行營據勘供稱奉偽忠王令見大軍移紫雨花臺以朱某猶在江東橋故出大隊欲將移紫營壘一律掃平不意今朝又被朱某擊敗云九帥隨飭正法即至章營曰今日之戰我從制宇營觀四面之賊約二十萬餘我心頗躊躇不意閣下膽氣過人揚旛即出賊初見即有畏縮狀復四面來包抄閣下匹馬衝圍手擒騎馬賊一羣賊猶抵死來戰被親兵開放劈山連環礮賊隊紛紛而亂東奔西突閣下復下馬執旛揮兵掩殺我心始放不然時猶惕處也章曰今日之勝託大人虎威非沐恩之能寔大人之指揮九帥曰此後萬不可輕下馬章曰謹遵命居數日章往商

進攻七慶橋九帥曰連日雨多故暫停息今來正合我意俟天晴即起程忽聞太平府有警九帥派章往援八月抵太平府見居民遷徙流離章出示撫之偵探得賊攻入壘圩勢甚兇猛又分眾四處攻打先鋒各村百姓惶惶蓋賊以四出紛擾為打先鋒也章令該處紳民整頓團練預往沿河防堵偵又報逆眾據船搭浮橋由萬頃湖偷渡來犯我軍章派前後兩營往彼堵禦左右兩營扼守老營章帶親兵沿河接應不意賊四更抵萬頃湖團勇未經抵抗見賊即走口我前後兩營與賊接戰勢甚危急章摧兵往援賊見之即退我前營哨官追賊中亂鎗忽墜馬章往奪救已傷重立死章督督大隊斬殺賊乃大敗哭聲震地伏屍數千爭渡浮橋忽橋

斷落水死者無數十餘日後浮屍滿河始知此戰喪賊異常之多
我軍回營時百姓焚香載道感戴不已忽有人構誹語至九帥營
誣章帶勇不力以致哨官士卒傷亡九帥來文罰章薪水一千六
百金以為陣亡恤資該處紳民據實公稟章亦將實情徑稟九帥
始明言後作補報各紳民復以五萬元洋送章作恤賞之用章力
辭不受忽接九帥來文稱擬圍攻雨花臺七甕橋太平門令章速
拔營往章至九帥曰日前誤聽人言閣下萬勿介意章曰賞罰軍
理之常沐恩何敢怨望章仍住紮老營九帥來營曰日昨偵由常
州來稟稱逆首偽忠王帶五百萬賊不日來攻須多備礮臺并將
應用軍裝制齊章曰只礮位不敷餘皆足用且外壕宜加寬深明

日令勇前往砍木以作梅花椿九帥曰須速回為是答勇不曰回
言路遇百姓搬徙次日章出營探視見百姓扒山漫野携負各逃
後有數十騎追之章目不忍視即帶馬隊三十騎親兵二百直抄
向前該賊見我軍來甚銳轉馬便走章追三四里救百姓數千九
帥令人來趕章回問何故出隊章曰賊追百姓目不忍視耳九帥
曰未知賊情即先攻之此後不可章曰遵命即辭歸見逆首偽忠
王李秀成匹馬當先眾賊擁護離我營五里許擇地紮營有十餘
騎衝至壕邊望望即走其外漫山遍野百餘里皆紮賊營次早分
十餘路來犯九帥大營不敢進長壕傍晚始去九帥傳商曰賊來
不攻未識何意章稟曰賊意重在沐恩外八營早晚即來攻大人

此地有長壕足恃賊縱來無妨九帥曰何以見得章曰雨花臺乃
賊死守之處我營與之近彼必時刻惕心恐雨花臺一失印子山
七甕橋皆為我有所以賊重在此九帥曰所見甚明賊來將何以
禦章曰外八營長壕雖不甚寬然營壘依近互為連絡守禦亦易
所慮者賊偷挖地道耳正議間營中專人來云賊分十餘枝來圍
外八營九帥速飭章固果見該賊掩旂拚命來攻後面蜂擁蟻集
我軍未發一鎗章始上礮臺飭各勇開放鎗礮轟斃數賊賊少卻
退逆首復督前來仍不敢進只在長壕外揚旂呐喊至晚亦不收
隊連攻四五晝夜九帥來看方回至制字營前忽面被鎗子傷就
醫數日始愈制字營官來行至半路中賊鎗亡賊之攻我營也日

漸喫緊礮子紛落如雨我軍固守者彌月賊偷挖地道數處俱被我軍窺破惟吉字後營處遂首拚命分挖時天降疫癟吉字營勇死病者千餘幸章所部無恙日夜督以防援賊屢以開花礮來轟我營幸地勢頗高乃得保固章見偽王在雨花臺上指揮知其必來轟地道乃令各勇於後面重修營壕賊圍攻我至四十餘晝夜忽然大隊臨壕乃一面往稟九帥一面飭各營勇分段謹守不許離走並飭前敵各勇退在後面新修營壘各勇忽面如土色章正色厲聲曰大丈夫死於疆場萬古流芳勝死牀褥萬倍矣何懼之有爾等畏死恐不免死不如同余拚死戰聞死在一處博一忠義之名或者死中尚可得生各弁勇均奮曰大人矢忠報國某等願

隨同死無悔也章乃吩咐各路營牆畢九帥見勢危急專人告章曰請速退回老營幸勿固守致罹大禍矣我長城章笑對來人曰承九大人厚意死亦感激但章自幼受胡文忠公知遇中與塔忠武畢剛毅相追隨今三公已死章敢於有事之秋墮平日之志何面目見數公於地下乎為我謝大人朱某誓死於此斷不出營半步以上負三公近愧大人也來人灑淚而回章忽見淮軍營哨各官猶有懼色不禁艴然曰爾等平日頗自期許今正志士成名之日何遽披靡若不振刷精神當以軍法從事各營哨官振聲曰聽命章乃分親兵為三以左隊哨官帶親兵百名接應副後營右隊哨官帶親兵百名接應吉字後營章帶親兵百名居中忽副後營

前面地道霹靂一聲塵土蔽天鎗聲震耳章忙督往堵禦幸崩口
尚小得以堵住即帶親兵往援他處忽嘉字營前霹靂一聲地道
大開已將新修營壕塌壓過半老營全倒幸兵勇預作防備傷損
無多章忙督眾往堵髮逆皆口銜利刃拚命扒來章督兵在塵土
中不辨南北只聽喊聲揮刀混殺各勇堵住缺口以連環鎗礮轟
擊該賊眾猶捨死直上正危難中幕友楊蘊山聽喊要藥忙提火
藥一桶來章曰速取火継継到章接過連藥並継向眾賊猛撲之
處奮力擲去忽烈焰騰轟該賊徧地亂滾延燒無數後賊始不敢
進紛紛敗退章呼親兵不見回頭往顧百餘親兵盡殲在傍當時
怒氣衝冠捨死追殺各營官亦督隊隨後捨死奔來九帥飛令調

章章因礮聲震耳大呼不聞九帥親至營營官攔馬告章乃收隊回時在十月計賊圍營已四十六晝夜矣九帥見親兵傷多不勝悲慘查自髮連倡亂來未有如此圍之久者章至九帥稱曰今日之役非閣下萬堵不住我軍牆壞既幸保全予意不可往追者慮有他故章曰出死中而得活何妨痛殺一陣且生死在天何必屢令收隊九帥曰我好比賭博寔有贏得輸不得之勢現各營俱染時症所恃惟足下外八營耳倘窮追中計如何支恃以故不放閣下窮追章稟曰嘉字副後雖轟吉字地道尚在速往撒火藥九帥見章諸事加謹始放心回營以地道新陷乃派李祥雲臣典來填紮副後營當晚章與祥雲商曰今日賊圍雖解恐今夜復來如何

莫如我先往攻賊營。祥雲曰：「九帥只今來防，恐其見責。」章曰：「既如此子可勿行。」忽大雨，章喚親兵曰：「今日託天庇佑，我與爾等出死得生。今夜賊必來報復，莫如我軍乘大雨帶火蛋前往印子山偷營。若能克復數壘，亦足免報仇而邀功賞。」各親兵曰：「大人且捨身某等敢不從命。」遂於二更時去，悄伏賊先鋒營後，聽之聞賊巡更者一人言曰：「今晚大雨，官兵萬不能來。」各安宿去。一人曰：「恐查夜者來不睡。」為是章翻進，賊壘先殺一人。有一人喊有官兵，章忙殺之，奮臂大呼，親兵一擁而進。時雨初歇，乃擲火燒，更樓通一火蛋，擲中，賊火藥局震，一聲遠近逆壘不知虛實，紛紛亂逃。我軍奮力向前，開放鎗炮，印子山一帶賊壘被我軍延燒殆盡，遂克之。九

帥聞聲遣人探問次早親至見章曰閣下全身是膽真令人佩服之至章曰沐恩不意而成功實大人福力所至正言間有鄉民來見曰昨三更時賊過民村說官兵乘大雨將印子山攻破民等問其何往據稱偽忠王欲去攻九洑洲偽普王欲去攻蕪湖太平府問以今日何敗云我等去放葯線只想地道成功不意執大白旗一軍捨命來抵傷我頭目不少偽忠王在雨花臺督陣吹海角要各偽王上前被那白旂頭目用火葯燒死列王數人是以大敗九帥笑指章向鄉民曰此即執大白旂頭也鄉民忙向章叩頭曰真是我百姓恩人當即賞錢二千而去九帥曰太平府若有事非閣下無以勝任章曰據民言不可不防請函知水師即將轟錄地道

全行修好我軍帶傷士卒亦賞恤醫治方欲請九帥示進攻雨花臺七甕橋忽九帥接水師函言大股敗賊退紮金堡坪清水河灣趾一帶該處紳民指請要閣下往攻祇好格外辛苦一行章曰該處四面皆水請添派水師并另派陸路一營方敷抵禦九帥曰先以吉字營前往接近水師貴部直往龍山橋一帶扼要防守章乃稟辭而行該處紳民舊識章到下紮營已定即命其往探賊情據云博望賊氛日熾百姓多遷徙來龍山橋躲避章問此處至官圩過渡幾次各紳曰繞道則無渡若徑行須過三渡且水深無船章曰請以二三人帶路我親往看即隨帶五營哨官掩旛往看西南依水東北坪崗人烟叢密即博望鎮也四面石壘礮臺層疊長有

六七里之遙旋即退回次日吉字左營由蕪湖調來禁金柱關與水師相連絡章復具稟調嘉字營由含山縣來休息數日始商進兵章令以長勝右營為先鋒前左兩營接應之吉字三營攻賊右嘉字營接應之煥字營攻賊左自帶親兵攻賊壘兼接應各路派畢即自督隊直抵賊營並令馬隊繞過鎮後縱火須臾鎮後火起章督隊衝殺前後夾攻該賊不敢交鋒棄壘各逃章恐其詐敗飭軍勿追後見逃賊紛亂乃督隊追殺直至後街賊見截其歸路盡向河邊而逃水師即將浮橋折斷賊溺斃者無數我軍分途痛剿洗殺一清遂復博望鎮時同治元年九月計生擒千餘名殺死並河中溺死者不可勝計獲騾馬千餘糧米五萬餘石軍械稱是我

軍亦間有傷亡當將錢米等函交糧臺清收章帶隊回龍山橋紳民焚香郊迎十餘里忽接九帥函云雨花臺不日成功七瓣橋諒可得手聞貴軍已復博望鎮斬擒極多該賊喪膽蕪湖太平府一帶目前不甚緊要請領貴部星夜前來以便進取所繁老營飭太平府轉飭各紳團看守章隨即告知該守次日拔隊行至板橋九帥專人又送到行知奉

上諭湖南補用叅將朱洪章免補叅將以副將推補欽此章先乘輕騎往見九帥叩謝乃知雨花臺七瓣橋已復惟孝陵衛未克九帥曰人恐不能勝任特調閣下來章即遵示往攻孝陵衛忽有賊營幾座乃專人往稟九帥暫紮七瓣橋俟九帥親至再圖進兵章謂營官

曰明朝九帥來以我計莫如佯作賊兵由雄黃鎮繞道而搗賊壘
各位以為何如營官曰遵命章隨命長勝左營扮賊而往以煥字
營用羅營官帶往濫房埋伏俟我兵得營後出截該匪歸路章帶
馬隊親兵中營接應我軍依計而行該賊問是誰各兵不語掩殺
直入黑夜不知虛實賊各奪路逃走伏兵截出章馬隊亦至正酣
殺間忽營官來告曰九帥來調章曰請九帥督隊來孝陵衛十餘
壘已被我軍奪獲矣章復鞭馬往追敗賊我長勝營已踞賊壘換
插我軍旛幟章回九帥先至營高聲贊曰閣下此番行兵出沒不
測真令人佩服章曰託大人威福冒險成功九帥又曰佩服佩服
乃將擒獲逆首勘問據供云日前雨花臺七甕橋失後偽忠王恐

官軍來爭孝陵衛故令三萬人來紮守不意官兵突入以為黃鎮
來援故未防備所以被擒九帥笑曰真乃天意成功也當將逆首
斬訖令章小心扼守次日派來制字信字各營請章前往踏勘地
勢開挖長壕以為合圍之勢章即同行口講指畫分段丈量令以
向張二前欽差所挖之前壕作為後壕另加寬深俱六丈接七甕
橋河直抵孝陵衛約長三十里以四十八營分防之九帥忽請章
相商曰我看紫金山賊壘臨高視下應用何策克之方於合圍之
勢有濟章曰求大人不到沐恩營我自克之九帥曰是以故章
曰大人若來沐恩等必迎送賊以為我軍不敢懈怠大人不來賊
見我軍正挖壕修壘若乘間往攻賊必不介意四月是沐恩初度

佯去覓班演戲乘間必得賊壘九帥曰善須謹慎行之章辭回乃告各營官曰今年是我三十歲生辰九帥要來觴慶煩為我往喚戲班各營官俱言大人生辰分當料理至期九帥來送禮各統領營官亦送禮章概受之城中逆首見我營日夜宴樂忽出大股來犯我長勝營出隊佯敗賊乘勝猛追我軍故棄旗幟依山而走該賊拚命直趕繞過我伏軍後我軍四面突出偽忠王在城見之亂喊賊以鎗礮轟鳴不聞其聲只顧向前被我伏軍連環鎗礮大挫而敗奪路奔走我軍揮戈掩殺鎗刀響處屍頭亂滾忽聽紫金山礮響章回看時已全豎我軍旗幟蓋沈羅營官早受計而奪賊壘矣賊退無路只沿城脚走偽忠王在城痛哭要該匪死抵復被我

軍追殺直見伏屍數萬我軍追至朝陽門太平門偽忠王以火藥
擲下乃收隊是役也生擒三百餘奪獲驃馬三百餘軍械無數殺
死者亦無數我軍亦傷亡數十名九帥星馳來營揚笑入曰偽忠
王出隊來拜壽我反少禮也章始將出奇制勝之由備稟之九帥
稱頌不已曰天以閣下賜我使我成功金陵之克全仗此舉也乃
將生擒逆首勘問供云偽忠王見官兵正演戲令各偽王出朝陽
洪武太平三門進兵定要將孝陵衛奪復偽忠王在城督隊若有
臨陣退縮者斬甫至龍脖子官兵忽四面抄出我等因此被擒云
九帥復笑曰爾等是來與朱大人稱觴不是打仗遂令正法九帥
商章曰紫金山地勢寬闊再調故字和字營以守之太平門必扼

紮數壘互相連絡何如章曰若紮營防守大人所調則是若欲圍攻大人所調則不敷分布九帥曰容再籌撥近日東南與偽天保城各營戰陣統歸閣下指揮調遣閣下定計後可專函告我我回營函致水師若能分兩營移紮草鞋夾副後一軍閣下可不必往顧不然還須閣下帶兩營與該營點隊以便加修礮臺也吩咐畢九帥回營次日送來行知內開推補副將朱洪章此次援賊圍攻雨花臺四十六晝夜該副將冒險接應并堵禦地道黑夜擊退援賊身先士卒異常出力請免補副將以總兵記名賞加提督銜奉上諭著照所請欽此并各營在事者俱奉行知章欲往謝九帥來人止之副後營來函云近日賊目偽忠王李秀成逐日出隊并勾洋人用

開花礮將渠營前面礮臺全行掃平已具稟九帥添派數營帮同
堵禦勢在危急等語章甫閱畢九帥來文命章往彼傍晚抵該處
劉南雲見曰得閣下來帮我軍威又可振矣若不然險有不守之
虞章問近日賊勢南雲曰近日開花礮漸稀惟中礮子弁勇均多
傷亡前面缺壘寔難紮成章曰明朝相勢定為紮成次早天未明
章帶人往看前面堤埂微高下面草皮甚多前次所以不得堅固
者用輶石耳當即回喚勇丁百餘名攜鋤數十把往該處先鏟草
皮該賊亦不介意傍晚乃回章謂南雲曰請足下今晚派隊帮運
草皮我令各勇向前修壘南雲應曰該勇因礮傷多惟恐膽怯章
曰既如此不用貴部章先站營前各勇見之挺身爭先不多時已

將前面修好所謂天隨人願忽月朗星稀遂將後面一齊修成往
告南雲來看贊曰足下神功為此礮臺惜早不如此致我軍傷者
千人章曰可要安礮位該營勇丁始忙向前安置時天已明章令
將旗幟展開城上逆首驚見旗幟且礮臺已修好遂出隊來章謂
南雲曰看我生擒賊來與足下祭礮臺即以親兵六十名俱帶洋
鎗由堤埂掩旂而進章直走堤上并令以大旂五六面遮過劈山
礮三尊賊見我軍祇數十人搖旂呐喊蜂擁而來章命齊開劈山
礮轟然一聲龍旂隊裏人馬亂滾前伏親兵抄出截殺遂生擒十
餘賊城上賊來接應章乃收兵南雲曰閣下真神勇也即將生擒
湏祭礮臺忽接九帥函言足下帮修礮臺想已修好請速馳來營

以商要務章乃連夜馳見九帥問及賊情章備稟之九帥甚喜曰
我意欲連成合圍之勢應如何分布足下深為洞悉故特請商章
曰太平門至草鞋夾八十餘里現營太少非添三十營不敷分布
今祇棉花堤五營可抽調憲台所繁前後長壕暨各營分段守處
萬不能調動請函商中堂另由湖南添募三十營來方能有濟九
帥曰所見與我相符但招募一層最難選將領亦不易若由湖南
新募成軍然後東下約期非十月不能若調霆字各營彼軍毫無
紀律恐來與我營不睦若請閣下往募孝陵衛百餘里無人接統
他人亦萬不勝任事處兩難如何而可章曰賊眾城堅非旦夕可
收全效大人何必焦急據沐恩意中堂知人善任大人致函往商

將領必能得人縱未能招募齊全三五營陸續而至未為不可九
帥揚聲曰此論甚善遂辭回營次日又專函來請章諭各營官小
心防守方行至大營九帥笑曰天使我得成功章問何故曰四川
駱宮保派員至湖南招勇二十四營以為防邊目下四川無事李
撫軍函致家兄言金陵若須添兵免行撤散家兄來函致詢我已
飛函復家兄并轉咨李撫軍飭令新募各營乘舟星夜東下該營
一到再商應紮何處章稟曰新軍若到祇宜更換老營往朝陽門
一帶合圍新勇縱好總不放心九帥曰極是又言接劉南雲函該
軍自閣下回後賊并不往攻問可否調動另紮高埠以免潮濕章
曰草鞋夾所紮副後十營據沐恩愚見只須三營餘七營移紮後

湖太平門只離三里許再將敬字和字兩營分為五壘前面合圍長壕之勢可以連絡後面再調棉花堤制字三營來繁為犄角之勢新勇到時再益以三四營我軍前後合圍之勢可以連成未識大人以為然否九帥曰我意本如此君意既相同即煩回營傳知副後和字敬字制字各營遵照分繁章即回營傳知次日各營移繁已定九帥親至踏勘地勢令即開挖長壕曰我軍成功在此一舉務望各位同心戮力不殫辛苦所憂者地保城未免合圍之勢尚礙如何設法能克復章曰不難士卒用命何堅不克九帥曰全仗全仗又曰各位努力遂各回營次日信字營官李祥雲至章與商曰帥意重在地保城莫如閣下回營派隊二更來會五更進攻

倘得克復亦不負九帥重託祥雲曰若能附驥成功實為大喜竊
恐閣下先行耳章曰既約定斷不失信祥雲於次日午間來營章
復商曰尚不識路恐黑夜難行須先探之乃均扮作割草馬夫帶
二三哨官斷續而行近地保城見賊石壘三座周圍壕溝三道三
面依水一面依山壕外栽梅花椿十餘層礮臺亦甚堅固真勁壘
也看畢回至龍脖子方欲再看城上忽喊開礮祥雲力要章退乃
回遂傳各營官弁勇前來示以形勢令今夜分兵四路進長勝左
右營依山往撲煥字營依水往攻信字右營伏大路側信字中左
營伏城邊時已初更令各營造飯食頃章復勵各弁勇曰今務須
努力若能克復地保城每營賞千金逾格優保各弁勇喜躍用命

乃於四更時進至龍脖子章謂祥雲曰貴營不識路途可隨後進
章帶隊潛行至石壘聽賊營更鼓無聲遂帶親信兵數十名一擁
而登齊聲喊殺並擲火燧賊忙不知兵從何來但見火燧騰空殺
聲不絕不敢迎敵紛紛竄竄長勝煥字各營奮勇並進天明時城
中賊出隊來援被我信字營抵擋城腳遂不能進當將地保城克
復時三年正月二十一日也章復請祥雲退紮石壘後預備賊來
攻并馳捷九帥大營午間九帥至大喜向章連揖曰煥文用兵真
如神哉祥雲亦能建奇勳實我

國家如天之福故多出奇男子助我以成大功也帶十餘營列於龍
脖子上乃調三營暫為守禦章稟曰地保城為我軍驟有賊必來

爭候營紮穩然後圖合圍之勢九帥曰然適接中堂函云湖南新募之勇已行抵三汊河營官請示應紮何處九帥與章相商章曰新勇初到不識地利請大人吩咐令紮老營前後長壕將老營移紮太平門遂告差官照行九帥復親往後湖閱看前後長壕轉至章營告章曰地保城須加意固守至要至要俟新勇紮穩再商開挖地道事宜忽一日有該處紳民來見云有要話面稟章傳進云長壕挖斷賊糧已阻惟水路尚通賊由丹陽向容陸運糧至江邊夜間用小船偷運進城請帶隊至東流伏住可以奪截章問賊來可有定期據云不拘時日章心猶豫紳民曰大人不信無妨同去看明章因留住營中次日帶親兵十餘人往看離孝陵衛四十里

果有一隄約長二十里兩面俱深溝隄首有鎮市房屋已被賊燬
忽有逆首飛馬向前後面跟數十騎少刻復有數千賊解運糧米
駝負岱來俟賊過完章乃同紳回營問其姓名一云郭姓名芳上
元縣人曾舉鄉薦一云吳姓名光輝方山人祖曾任湖北巡撫因
聞大人忠勇報國保全民命故推誠來告章因揖之上坐加以賓
禮命取衣為之更換二紳辭之章固留在營將情往告幕友不敢
贊助一詞章曰我主意已定明日往截得糧以救百姓有何不可
次早帶三營出以一營伏隄東濫房內以二營伏隄西聽鎗而出
午後先有騎馬賊來下馬而俟後面人擔馬駝絡繹不絕行到我
伏兵處我信礮一响四面突出該賊從未遇兵倉卒間棄糧逃命

我兵追殲之即將驃馬糧米載負回營計獲糧米三千餘石驃馬數百遂將米往給各鄉貧民以驃馬分賞士卒自此後派隊往截無一空回共獲米約四萬石殺賊約萬餘分給鄉民所活者無數該處紳民至今猶有稱道其事者三月初五日九帥來營商曰乘此可移營近城開挖地道請閣下先移三壘紮穩再令各營再移章請示往紮何處九帥曰龍脖子高崗可以瞰賊章曰據沐恩見先紮三壘於孝陵衛為犄角之勢然後紮龍脖子多築礮臺日夜轟擊使賊不能立腳方可開挖地道九帥喜曰閣下此見步步踏實適報新募兵齊到九帥因令先以長勝左中二營移紮孝陵衛煥字營移紮城腳章帶親兵往紮龍脖子分為四壘次日九帥親

到指揮修好營壘方回營囑章曰我軍近日繁營多有傷亡宜加
愛惜不可出隊章曰遵命章逐日督勇加修營壘開挖地道刻無
休息太平朝陽逆賊連城上俱不多見惟我軍屢挖地道均被賊
截斷一無成功九帥正深焦慮間奉

廷寄蘇常

常克復惟金陵尚未成功飭令李少荃官保鴻章來帮同圍攻九
帥得此信焦灼益甚與各幕友營務處商量復奏紛紛籌畫無有
定見乃差人請章各幕友輕之曰彼武夫耳何與文事九帥曰往
日屢與議事頗有識見即請來商何妨遂命差官來請章即馳至
營九帥忙曰請閣下非為他事昨奉軍機處字寄蘇常已全克復
惟金陵圍攻日久未下

上諭飭李少荃帶隊來幫圍攻倘他軍到克復我輩多年辛苦一旦而灰
若阻其勿來恐日久不克何以仰副

皇上厚恩事處兩難應如何復奏方公私兩全此時各幕友俱隔窗靜聽
章曰大人曾商幕友否九帥曰已曾熟商昨擬數稿俱未愜意章
曰此不難復奏未識大人與各幕友何見請將所擬之稿賞閱章
閱後不發語九帥曰不必拘泥有見到處務宜直說章曰奏稿甚
妥只要添改幾字要求幕友見諒九帥曰原請閣下來商改亦何
妨章乃直言曰稿內用意若真請李撫軍前來反站我軍之勢若
不奏請移師恐我軍日久不克必致見謹據沐恩愚意具奏請
皇上諭飭李撫軍星夜前來一面飭我軍各將領刻期圍攻倘託

皇上天威指日

可能克復亦未可定云云則兩面俱圓矣忽聽窗外贊曰

我輩枉讀詩書愧此多矣因進見章行禮九帥對幕友笑曰我常對各位言多謂武員不明文理今日親試如何各幕友曰日前眾擬不到被其一語道破真是佩服九帥復曰朱煥文行五十里來想已饑矣因設席同各幕友盡歡而散前月貴州提督田忠圃薦來死勇百名開挖地道已成請示九帥速轟并各營挖者俱來請示九帥命裝藥齊轟至期九帥親來督隊章鑑前之無功猶不肯往天尚未明忽聽地道崩聲我軍直衝至城下賊用連環鎗礮擊來傷斃我軍不少隊伍漸退九帥問何不見朱某之隊各營官對以未出九帥園來調不得已以三賤隊往站後面章視冲開地道

惟田忠圃死勇開挖之處冲落城磚百餘塊餘俱被截斷或以水灌或以藥轟百無一成轟地道之隊亦不能收回九帥睹之甚急速傳章往救章令抬兩尊劈山礮向垛口連轟賊乃退避各隊始陸續收回次日昆字營官往告奮勇用生草填壕九帥問章可否能行章曰前歲沐恩營繁蓮湖大人親見數百萬賊日夜來填尚不能成功何況坪崗寬闊勝蓮湖百倍乎以沐恩愚意明日派隊往採生松來穿成木排用木滾推近城腳上面厚堆土泥任賊用火藥來燒萬無一失然後依城再繁營壘開挖地道不過離十丈之遙請大人派信字李營官同往沐恩任三五日必成功也九帥曰恐又多傷士卒章曰事已至此不得愛惜九帥時還猶豫忽一

日報昆字營以搬草填壕傷亡千餘乃喚章曰還是閣下所議不錯縱傷當亦不多章曰禁營近城可保無傷只搬運出入間有難保沐恩今夜告李營官將擋牌高立土堆不過片時可將營之前面修好再築一小礮臺堵禦使賊不能近然後開挖地道只城中賊一夜不來攻即可以成九帥仍以傷人為慮章素知九帥慈心體恤見士卒傷必不忍乃曰自古殺人一萬自損三千請大人回營五日之內可不必到此以免見之惻然沐恩以五日定奏功也語畢九帥回營章乃往視龍脖子前礮臺有逆首帶數十隊前來直至於挖濠紮壘上忽然用火藥擲下沿燒我先鋒營幸木排堆土甚厚燒而不入章忙令開放洋莊大礮羣子如雨賊站不住乃

收隊回章即商祥雲曰我軍地道今夜定要挖成久恐洩漏祥雲
曰硐口業已開矣請派隊益之章乃令每營以六賊隊去限一夜
成功至四更時果已挖成章復商祥雲曰地道雖成地硐何日能
就祥雲曰只要挖處無石峽三日可成五日可以裝藥章即將各
情稟九帥次日九帥來問何處可閱章曰偽天保城地勢最高視
城中賊情燎如指掌九帥自往登視贊曰無怪人言偽天保城不
克金陵萬難收復前者欽差攻此全軍覆沒今一旦得為我有寔
仗閣下大力章曰叨大人威福沐恩何敢言功九帥曰數日未來
此緣何又加修十餘壘章言恐賊拚命以火藥來燒有此數壘兩
面方能抵禦九帥問地道成否章曰再三日可以裝藥九帥驚曰

何如此之速章稟曰自六月初八日迄今已開挖七日請大人分派隊齊即日進兵九帥曰俟各營官至再商之忽見城內隊分十餘路出九帥曰賊出隊何故章曰昨夜我軍開挖地道賊未及隄防今日必來看我軍虛實九帥曰恐其來攻章曰諒賊不來只不過零星出隊夜間驚營耳九帥遂回營少頃送到行知內開

上諭提督銜記名總兵朱洪章

賞給正

一品封典欽此章往叩謝九帥曰此次保獎委曲閣下章曰受大人知遇何敢過望九帥因約往看龍膊子先鋒礮臺旋轉至偽天保城問曰昨夜礮聲不絕至一夜不得安枕貴營堵賊未知傷亡若干章稟曰賊分五路吊城來攻地道被沐恩先令伏兵截擊該

賊亂逃至信字嚴字營壕邊并山腳一帶躲避天明出搜盡殲之
我軍傷不過三十餘人九帥曰明日地碉可成今夜弟即宿此以
便派調各營乃令軍裝局預備布袋六千個裝藥信字營來請搬
運松木三百株以作碉口押條乘夜將各物具送至只見賊城中
徹夜燈光如同白晝天既明隊伍由城上來旌旛滿布人馬奔馳
不絕僞忠逆洪逆督飭各逆四路蜂盤蟻旋九帥調各營隊伍已
齊命章往問何營頭敵何營二敵再三詢之無人敢應章曰我輩
身受

皇上厚恩今日正當報効請以職分定先後何如時蕭統領孚泗已補福
建陸路提督寂無一言次及李祥雲已補河南歸德鎮祥雲要章

撥精兵一二千與之。章曰：既撥我軍，不如我當頭隊，眾乃隨聲鼓動。劉南雲乃言願作二隊，餘依次派定，分為三路。當時相商同到九帥前具軍令狀，畏縮不前者斬。章將各情復稟九帥，壯之命章速準備，乃回營派頭隊四百名，二隊一千名，餘隊隨在後，各弁勇聞打頭敵無不奮然自振。一以當百，至龍膊子。章令頭二隊勇各項生草一捆，以便填壕。倘不遵者，以軍法從事。適信字李營官來告，葛已安好，請示放火。章復轉至偽天保城，稟知九帥。九帥指章看曰：城中賊如此之多，務須小心。章稟曰：只要轟開城，得入其穴，任他賊眾勿怯也。當是時，我各營隊伍亦齊布列龍膊子崗上。章至，乃下令放火。只見火線燃過，霹靂一聲，烟塵迷天，磚石飛崩。軍

士無不人人慄懥章乃奮身向前左手執旛右手執刀奮勇登城大呼而進各隊勇始紛忙齊上賊約三四百由太平門出來抵章爭先手刃數賊各隊奮然並進賊大敗潰我軍追殺至老城埂太平門用連環鎗礮轟去賊又敗轉進濫房忽伏逆四出萬礮轟來章戰馬中鎗乃下馬手持長矛向為首騎馬賊兜頭殺去賊首落馬章乃奪其馬而跨之各營勇見慌忙向前章令兩路放火頃烈火起賊不能支遂又敗北九帥聞章失馬乃遣人送坐騎來章曰馬已得請速催大隊來先是九帥進城時至老城埂遇節字營哨官敗回九帥怒即令正法各勇悚懼始奮身向前四路掩殺各路分攻城門無不勇躍爭功賊抵禦不住於是九門皆破聞敗賊大

股聚於五臺山章令長勝營跟蹤追之章自督眾往攻偽天王府正遇偽王次兄見我軍即走章令羅沈二營官佯敗誘之得以生擒時日已暝章乃衝入偽王府搜其黨而殲之令將轅門緊閉以兩營守之餘皆分紮前後封其府庫以待九帥惟地道衝塉之處無人看守夜半賊結隊偷出九帥隨派馬隊武警官追殺章知之即督長勝軍追至雄黃鎮將偽忠王李秀成搜獲九帥連調始回章一路見我陣亡兵弁目不忍視不禁淚下甫至營各軍士皆痛哭連聲往尋地道崩處我四百奮勇當頭陣軍士盡被火藥轟死無一得生章心慘裂搥胸痛哭更不能止各幕友來勸曰死生有定幸大功告成亦足慰各忠魂於地下章哭曰我自領軍以來從

未有傷亡如此之多如此之慘者此數百勇士皆同余十有餘年
血汗辛苦一旦成功盡喪屍骨無存追念前勞能無痛傷各幕友
洒淚力勸方止次日九帥復令各處搜賊忽貢院前陰溝火起賊
匿其中以洋鎗傷我親兵數名章令撒火藥燒之賊冒火亂逃章
追而殲之乃回稟九帥時派弁兵沿街搜捕并出示安諭百姓嚴
飭各營不許滋擾賞恤諸傷亡軍士有差以生擒逆首滌血祭我
各將士並延僧超度之捷聞朝野相慶時同治三年六月十六日
也九帥乃敘功具奏七月十八日奉

上諭提督銜記名總兵朱洪章克復江南首先登城生擒偽王次兄洪仁
達偽忠王李秀成二逆首異常出力遇有提鎮缺出請旨先前簡

放

賞穿黃馬褂世襲騎都尉因替欽此當由曾侯中堂具摺謝

恩洪章竊念髮逆倡亂以來蹂躪我郡邑屠毒我黔黎以貽我

聖主憂凡我臣民就不共憤而爭殺之章自年十九從戎中歷十有餘載

得依胡文忠曾文正塔忠武及曾爵宮保以効微勞亦此生之厚

幸而我

聖恩浩大

貴錫攸隆惟有捐軀盡瘁以圖報稱今謹將束髮從戎至克復金陵所
歷事實直錄梗概存之家中俾子孫知其幸立微功雖曰天幸尤
賴各壯士捨死効忠助我之力至今思之淚猶泠泠而下故記之

矣

以誌勿忘非敢沽名邀譽於當世也

余束髮受書遭時不造髮遂倡亂蹤
躡幾無完土讀史至唐肅宗時輒慨
想流連而不能置喟然曰安得郭汾
陽李贊皇復生與之破賊迨同治改
元胡曾彭李諸公相繼崛起來傑響
應卒能削平大難以致中興以視郭

李之功蔑如也。輒又以象勺限人。不獲投筆請纓。與諸君鞭弭周旋。為憾既而官京師。以癸未歲負謗歸田。壯志未灰。橐筆入。曾忠襄公兩江節幕。乃得識其舊部諸俊傑。而朱煥文軍門。其尤著也。顧以風憲所

關僅得粗識其狀貌未由詳叩其生
平然其忠勇過人膽畧殊眾則於茶
餘酒闌時聞忠襄公口講指畫亦
耳熟矣越壬辰歲余改官直刺牧通
州其明年大憲以狼山為南洋鎖
鑰非宿將負重望者不足讐標水陸

特移

煥文軍門來鎮斯土受篆伊始以余
為舊契畧分言情投以蘭譜余何人
斯乃以平昔所企慕而不可必得相
遇而不敢相親者一旦與之聯金石
之交訂車笠之義其為欣幸夫豈有

涯公餘之暇亟詢其生平謀畧戰功
軍門出從戎紀畧見示且以後跋為
屬浣誦再三其文質而簡不假粉飾
自黔省立功以至東南底定與畢
剛毅 胡文忠 塔忠武 曾忠襄
諸公戮力同心其艱苦堅忍以及出

奇制勝之情形躍躍紙上無賢愚讀之莫不感泣思奮然後歎

軍門續紀旂常名標

麟閣者固非傲偉一時者所可同日而語即此據事直書言必徵實足補大事記湘軍紀之遺決其信今傳後

無疑也余謫陋無文何敢贊一詞於忠襄諸公之後顧聞蠅附驥尾而行千里間巷小子得青雲之士而聲施後世余文不足為

軍門重而余之名轉得附軍門之書以傳抑何幸歟

如弟汪樹堂謹跋